

PONTIFICALE ROMANUM
EX DECRETO SACROSANCTI ŒCUMENICI
CONCILII VATICANI II INSTAURATUM
AUCTORITATE PAULI PP. VI PROMULGATUM
FRANCISCI PP. CURA RECOGNITUM

DE INSTITUTIONE CATECHISTARUM

EDITIO TYPICA

MMXXI

CONGREGATIO DE CULTU DIVINO
ET DISCIPLINA SACRAMENTORUM

Prot. N. 627/21

DECRETUM

Ministerii Catechistarum institutione peracta ac disciplina a Summo Pontifice Francisco instaurata per Litteras Apostolicas *Antiquum Ministerium*, die 10 mensis maii 2021 Motu proprio datas, Congregatio de Cultu Divino et Disciplina Sacramentorum ritus apparavit de institutione Catechistarum.

Huiusmodi ritus Summus Pontifex Franciscus auctoritate Sua approbavit evulgarique iussit, ita ut a die 1 mensis ianuarii 2022 lingua latina adhibeantur, lingua autem vernacula a die quem Conferentiæ Episcopales pro sua ditione statuerint, postquam translationes in linguas vernaculas et adaptationes rituales approbaverint et confirmationem aut recognitionem a Congregatione de Cultu Divino et Disciplina Sacramentorum obtinuerint.

Contrariis quibuslibet minime obstantibus.

Ex ædibus Congregationis de Cultu Divino et Disciplina Sacramentorum, die 3 mensis decembris 2021, in memoria sancti Francisci Xavier, presbyteri.

✠ Arturus Roche
Præfectus

✠ Victorious Franciscus Viola, O.F.M.
Archiepiscopus a Secretis

DE INSTITUTIONE CATECHISTARUM INTRA MISSAM CELEBRANDA

1. Ad ritum peragendum parentur:

- ea quæ pro Missæ celebratione necessaria sunt;
- Pontificale Romanum;
- Crux Catechistis tradenda;
- sedes pro Episcopo;
- sedes pro Catechistis instituendis, in apto presbyterii loco sic dispositæ, ut actio liturgica a fidelibus bene conspici possit;
- si Communio sub utraque specie distribuitur, calix sufficientis magnitudinis.

2. Dicitur potest Missa pro ministris Ecclesiæ vel pro laicis, vel pro evangelizatione populorum, vel pro nova evangelizatione, mutatis, præsertim in quibusdam orationibus, genere aut numero, pro cuiusvis circumstantiæ opportunitate, cum lectionibus propriis, colore albo vel festivo adhibito.

Opportune Episcopus instituet Catechistas in ipsa parœcia ubi perseveranter adlaboraverunt et a fidelibus cognoscuntur.

Occurrentibus vero diebus qui sub nn. 1-9 tabulæ dierum liturgicorum recensentur, dicitur Missa de die.

Quando Missa pro variis necessitatibus vel ad diversa non dicitur, una e lectionibus sumi potest ex iis quæ in Lectionario pro ritu institutionis proponuntur, nisi occurrat dies qui sub nn. 1-4 tabulæ dierum liturgicorum recensetur.[\[1\]](#)

3. Ritus initiales et liturgia verbi, usque ad Evangelium inclusive, fiunt more consueto.

4. Textus qui in ritibus institutionis proponuntur aptandi sunt mutatis genere et numero.

5. Dicto Evangelio, Episcopus sedet ad cathedram vel ad sedem aptiore loco paratam, accipit mitram et convenienter baculum. Omnibus item sedentibus, diaconus vel presbyter ad hoc deputatus candidatos vocat, dicens:

Accédant qui [-æ] instituendi [-æ] sunt in ministério Catechistarum.

Candidati nominatim vocantur. Singuli autem respondent:

Adsum.

Et ad Episcopum accedunt, cui reverentiam faciunt et ad sedes suas redeunt.

6. Tunc Episcopus homiliam habet, in qua tum Sacræ Scripturæ textus prolatus tum ministerium Catechistæ populo illustrantur. Quam homiliam concludit his vel similibus verbis, candidatos ipsos alloquens:

Filii [et Filiæ] carissimi,

Dóminus Iesus Christus, ante réditum suum ad Patrem, discipulis suis mandávit ut Evangélium prædicarent usque ad fines terræ. A die Pentecóstes Ecclesiá, Spíritu Sancto suffúlta, hoc mandátum fidéliter implévit, omni témpore et loco, fidem tradens per innumerábiliu[m] téstiu[m] verba exemplúmque. Ipse Spíritus Ecclesiám varietáte charísmatu[m] suórum pro commúni bono ditáre non désinit.

Utpote partícipes múneris Christi sacerdotís, prophétæ et regis, baptizáti omnes suas partes actívas habent in Ecclesiæ vita et actióne. Aliqui, inter eos, singulárem vocatióne[m] accípiunt ad ministéria ab Ecclesiá institúta exercitánda.

Nunc quidem vos, qui iam assídue óperam impénditis in christiánam communitátem, ad stábile Catechistæ ministériu[m] vocámini ut spíritum apostólicu[m] valde alácríter vivátis, iuxta exéplum illórum virórum mulierúmque qui Paulu[m] aliósve apóstolos adiuvérunt ad Evangéliu[m] diffundéndu[m].

Ministériu[m] vestru[m] in profúnda oratiónis vita semper consístat, in sana doctrína ædificétur et a germáno zelo apostólicu[m] animétur.

Hómines longe fortásse versántes, ad Ecclésiám adducétis; in verbo Dei tradéndo, impénse cooperabímmini; sensum ecclésiæ locális, cuius paroécia velut célula est, constánter colétis.

Fídei testes, magístri et mystagógi, cómites et pædagógi in nómine Ecclésiæ docéntes, operam vestram consociáre debébitis cum ministris ordinátis in váriis apostolátus formis, corresponsábiles missiónis a Christo Ecclésiæ commíssæ, semper paráti ad respondéndum omni poscénti vos ratióne de ea quæ in vobis est spe.

7. Allocutione expleta, Episcopus, dimissis baculo et mitra, surgit, omnesque cum eo. Candidati ante ipsum genua flectunt. Episcopus fideles ad orandum invitat, dicens, manibus iunctis:

Dóminum, fratres caríssimi,
supplíciter deprecémur,
ut, quos [-as] ad ministérium Catechistarum elégit,
sua benedictióne replére dignétur,
et, grátia Baptísmi suffúltos [-as],
ad fidéliter ministrándum in Ecclésia **N. N.** confirmet.

Tunc omnes per aliquod temporis spatium in silentio orant.

8. Deinde Episcopus, stans et manus extensas tenens, dicit super candidatos orationem benedictionis:

Pater,
qui partícipes missiónis Christi Fílii tui nos facis
et multiplicibus Spíritus donis Ecclésiæ tuæ próspicis,
bénedic ✠ hos [has] filios [filias] tuos [tuas]
ad ministérium Catechistarum eléctos [eléctas].
Præsta, quæsumus, ut pénitus baptismum suum vivant,
cum pastóribus cooperántes
in divérsis apostolátus genéribus
ad Regnum tuum ædificándum.
Per Christum Dóminum nostrum.

R/. Amen.

9. Deinde omnes sedent. Episcopus sedet et accipit mitram. Candidati surgunt et accedunt ad Episcopum, qui singulis tradit crucem, dicens:

Accipe hoc fídei nostræ signum,
cáthedram veritátis et caritátis Christi,
eúmque vita, móribus et verbo annúntia.

Catechista respondet:

Amen.

Interim, præsertim si multi sunt candidati, cani potest psalmus 98 vel alius cantus aptus.

10. His expletis, Missa proseguitur more solito vel symbolo, si dicendum sit, vel oratione universali, in qua peculiare sunt supplicationes pro Catechistis nuper institutis.

Caput II

DE INSTITUTIONE CATECHISTARUM CUM CELEBRATIONE VERBI DEI PERAGENDA

11. Episcopus induere potest crucem pectoralem, stolam et pluviale coloris convenientis, super albam; aut tantum crucem et stolam super rochetum et mozetam assumere; hoc in casu non utitur mitra et baculo.

12. Ante salutationem Episcopi, celebratio initium sumere potest antiphona vel cantu apto.

13. Deinde Episcopus dicit:

Orémus.

Deus, qui ministros Ecclésiæ tuæ docuisti
non ministrari velle, sed fratribus ministrare,
illis, quæsumus, concède et in actione sollertiam,
et cum mansuetudine ministerii in oratione constantiam.

Per Christum Dominum nostrum.

R/. Amen.

14. Liturgia verbi eadem ratione ac in Missa peragitur, cantibus inter lectiones opportune insertis.

15. Institutio Catechistarum fit modo supra, nn. 4-9.

16. Ritus institutionis concluditur oratione universali et oratione dominica. Deinde Episcopus accipit, si ea utitur,
mitram et, extendens manus, salutatur populum, dicens:

Dominus vobiscum.

Omnes respondent:

Et cum spiritu tuo.

Tunc Episcopus manibus super fideles benedicendos extensis, prosequitur:

Pax Dei, quæ exsuperat omnem sensum,
custodiat corda vestra et intellegentias vestras
in scientia et caritate Dei
et Filii eius Domini nostri Iesu Christi.

Omnes respondent:

Amen.

Tunc Episcopus, accepto, si eo utitur, baculo, dicit:

Benedicat vos omnipotens Deus,

ter signum crucis super populum faciens, addit:

Pater, ✠ et Filius, ✠ et Spiritus ✠ Sanctus.

Omnes respondent:

Amen.

Deinde diaconus, manibus iunctis, versus ad populum dicit:

Ite et Ecclésiæ Dei servite.

Omnes respondent:

Deo gratias.

et recedunt.

LECTIONES BIBLICÆ

Lectiones e Vetere Testamento

1. **Ex 3**, 1-6. 9-12: «*Ego ero tecum*».

In diebus illis: Pangebatur Moyses oves Iethro...

2. **Is 52**, 7-10: «*Videbunt omnes fines terræ salutare Dei nostri*».

Quam pulchri super montes pedes annuntiantis...

3. **Sap 13**, 1-9: «*Si potuerunt æstimare saeculum, quomodo huius Dominum non invenerunt?*».

Vani sunt natura omnes homines...

Lectiones e Novo Testamento

1. **Act 18**, 23-28: «*Ostendebat Apollo per Scripturas esse Christum Iesum*».

Facto Antiochiæ aliquanto tempore, profectus est Paulus perambulans ex ordine...

2. **1 Cor 1**, 22-31: «*Nos prædicamus Christum crucifixum*».

Fratres: Iudæi signa petunt...

3. **Phil 4**, 4-9: «*Quæcumque casta, hæc cogitate*».

Fratres: Gaudete in Domino sempre...

Psalmi responsorii

1. **Ps 15**, 1-2a et 5. 7-8. 11

R/ (cf. 5a): Tu es, Domine, pars hereditatis meæ».

2. **Ps 18**, 2-3. 4-5

R/ (5a): In omnem terram exivit sonus eorum.

3. **Ps 99**, 2.3.4.5.

R/ (3c): Nos populus eius et oves pascuæ eius.

Alleluia et Versus ante Evangelium

1. **Io 8**, 12: Ego sum lux mundi, dicit Dominus:

qui sequitur me, habebit lucem vitæ.

2. **Io 12**, 26: Si quis mihi ministrat, me sequatur, dicit Dominus:

et ubi sum ego illic et minister meus erit.

Evangelia

1. **Lc, 12**, 39-48: «*Omni cui multum datum est, multum quæretur ab eo*».

In illo tempore: Dixit Iesus discipulis suis: Hoc scitote...

2. **Io 12**, 44-50: «*Ego lux in mundum veni, ut omnis, qui credit in me, in tenebris non maneat*».

In illo tempore: Clamavit Iesus et dixit...

[1] Cf. *Cæremoniale Episcoporum, Appendix II*.